


Oketa Rul fo Draev lo Australia

palmscheme.gov.au


Oketa rul fo draev lo Australia hem difren from oketa rul blo oketa nara Pacific kantri and Timor-Leste. Bifo iu draev lo Australia, meksua license blo iu no expire. Iu mas chek tu license blo iu letem iu draev lo area blo Australia iu laek draev lo hem.



TRAFFIC LAET

Traffic laet lo Australia garem 3 kala:

- **red** minim iu mas stop.
- **yellow** (amber) minim iu mas stop. Bat iu save draev thru yellow laet if hem no seif fo iu stop bifo 'stop' laen. Iu shud no seknoma stop, and you shud no speed up fo trae winim red laet.
- **green** minim iu save draev thru intersection if hem seif.



ROUNABOUT

- Roundabout hem wanfala intersection wea evri trak draev raonem wanfala raon aelan midol lo road.
- Iu mas slow daon lo roundabout and giv wei lo trak wea kakam from raet saed blo iu.




SPEED LIMIT

- Hem important fo lukluk lo oketa speed limit saen.
- No ovam speed limit. Diswan hem level blo speed wea iu no alaod fo ovam.
- Oketa skul zone garem speed limit wea moa slow lo oketa didifren taem lo day wea pikinini lo skul.
- Hem brekem law fo speed, and iu save kasem speeding fine.



SEAT BELT

- Evri draeva and passenger mas werem seatbelt.
- Bifo trak hem start, meksua seatbelt hem fit gud and pas gud.
- Oketa pikinini mas iusim car seat wea fitim age, tall and hevi blo oketa.
- Draeva save kasem bigfala fine sas eniwan insaed trak no werem seatbelt.



MOBILE FON

- Taem iu draev, iu no alaod fo holem fon lo hand taem iu ansam or iusim mobile fon.
- Hem brekem law tu for putum mobile fon antap leg taem iu draev.
- Staka accident hapen bikos tingting blo draeva lo mobile fon.

DRUGS AND ALCOHOL

- Laef blo iu and nara pipol lo danger if iu iusim drugs or alcohol and then draev.
- Iu brekem law if you draev and blood alcohol level blo iu kasem 0.05% and ovam. Diswan hem osem 2 standard drink.
- Iu save kasem bigfala fine and lusim driving license blo iu.

TAEM MAN TIRED

- Hem dangerous for draev taem iu tired.
- If iu gohed yawn or eye go ahead for sat taem iu draev, iu mas stop and rest.
- Meksua iu rest gud bifo iu draev.
- No draev fo winim 3 hour without rest.

Remember fo draev lo Australia hem difren from kantri blo iu. Folom oketa rul for draev lo Australia for kipim iu, passenger blo iu and narawan wea iusim road seif.

TRAINING WEA STAP FO OKETA WAKMAN

If iu wakman anda lo Pacific Australia Labour Mobility (PALM) scheme, iu save kasem training fo draev.

Training hia hem part lo PALM scheme Skills Development Program.

Fo save moa, tok lo boss blo iu abaot training iu save duim.

MOA INFOMEISON

Moa infomeison stap lo PALM scheme website fo helpem iu draev lo Australia.

Boss blo iu save help ansam oketa kwestin blo iu. If hem kanot helpem iu, iu save:

- kolem PALM scheme sapot service laen (1800 51 51 31)
- email (palm@dewr.gov.au) eni taem from 8:30 am go kasem 6:30 pm AEST.

If eni serious problem kamap, plis kolem sapot laen eni taem, day or naet.